




Broj: 05-02-1-3036/15
Sarajevo, 10.12.2014. godine

PARLAMENTARNA SKUPŠTINA BiH

- Zastupnički dom -
- Dom naroda -

SARAJEVO



PREDMET: Prijedlog zakona o izmjeni i dopuni Zakona
o ministarstvima i drugim tijelima uprave BiH, *dostavlja se*

Vijeće ministara Bosne i Hercegovine, na 32. sjednici održanoj 19.11.2015. godine, utvrdilo je Prijedlog zakona o izmjeni i dopuni Zakona o ministarstvima i drugim tijelima uprave Bosne i Hercegovine, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi s navedenim, u privitku dostavljamo Prijedlog zakona o izmjeni i dopuni Zakona o ministarstvima i drugim tijelima uprave Bosne i Hercegovine, na bosanskom, hrvatskom i srpskom jeziku. Istodobno dostavljamo Pregled odredbi Zakona koje se mijenjaju i dopunjavaju, kao i elektronsku verziju Prijedloga zakona.

S poštovanjem,

GENERALNI TAJNIK
Zvonimir Kutleša

PRIJEDLOG

ZAKON

O IZMJENI I DOPUNI ZAKONA O MINISTARSTVIMA I DRUGIM ORGANIMA UPRAVE BOSNE I HERCEGOVINE

Sarajevo,
Decembar 2015. godine

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na _____.
sjednici Predstavničkog doma, održanoj _____ godine, i na _____. sjednici Doma naroda, održanoj
_____ godine, usvojila je

ZAKON

O IZMJENI I DOPUNI ZAKONA O MINISTARSTVIMA I DRUGIM ORGANIMA UPRAVE BOSNE I HERCEGOVINE

Član 1.

U Zakonu o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13) u članu 11. u stavu 1, iza alineje 15. dodaje se alineja 16, koja glasi:

„- Finansijsko planiranje razvoja u institucijama Bosne i Hercegovine koje obuhvata upravljanje javnim investicijama i srednjoročno planiranje, praćenje i izvještavanje.“

Član 2.

Član 23. mijenja se i glasi:

„Vijeće ministara usvaja Srednjoročni program rada koji je osnov za pripremu Dokumenta okvirnog budžeta za trogodišnji period i srednjoročnih planova rada institucija Bosne i Hercegovine.

Organi uprave Bosne i Hercegovine dužni su donijeti srednjoročne planove rada i godišnje programe rada zasnovane na Srednjoročnom programu rada Vijeća ministara Bosne i Hercegovine.

Srednjoročne planove rada institucija Bosne i Hercegovine donosi rukovodilac organa uprave Bosne i Hercegovine. Ukoliko planovi rada sadrže finansijske obaveze ili potrebe, potrebno je priložiti mišljenje Ministarstva finansija i trezora Bosne i Hercegovine.

Postupak srednjoročnog planiranja, praćenja i izvještavanja u institucijama Bosne i Hercegovine propisuje Vijeće ministara Bosne i Hercegovine na prijedlog Ministarstva finansija i trezora Bosne i Hercegovine.“

Član 3.

Ovaj zakon stupa na snagu osmog dana od dana objavljivanja u „Službenom glasniku BiH“.

Broj _____

_____ 2015. godine

Sarajevo

Predsjedavajući

Predstavničkog doma

Parlamentarne skupštine BiH

Predsjedavajući

Doma naroda

Parlamentarne skupštine BiH

OBRAZLOŽENJE

1. USTAVNI OSNOV

Ustavni osnov za donošenje ovog zakona sadržan je u članu IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine ovlaštena za donošenje zakona.

2. RAZLOZI ZA DONOŠENJE ZAKONA

Ministarstvo finansija i trezora Bosne i Hercegovine je svojim aktom broj: 13-22-1-5481-1/15, od 29.6.2015. godine, Ministarstvu pravde Bosne i Hercegovine dostavilo Inicijativu za izmjenu i dopunu Zakona o ministarstvima i drugim organima uprave Bosne i Hercegovine i Zakona o Vijeću ministara Bosne i Hercegovine, obrazlažući istu potrebom da je Vijeće ministara Bosne i Hercegovine na 105. sjednici, održanoj 23. jula 2014. godine, donijelo Odluku o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14).

Daljnje navode da se navedenom odlukom propisuje postupak srednjoročnog planiranja, praćenja i izvještavanja u institucijama Bosne i Hercegovine, u skladu s nadležnostima Vijeća ministara Bosne i Hercegovine i institucija Bosne i Hercegovine.

Nakon dostavljene inicijative, održan je sastanak kod sekretara Ministarstva finansija i trezora Bosne i Hercegovine, dana 21.7.2015. godine, kojom prilikom je konstatirano da postoji objektivna potreba da se izvrši izmjena i dopuna Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) (u daljnjem tekstu: Zakon o ministarstvima). Tom prilikom je konstatirano da nema potrebe da se mijenjaju ili dopunjuju odredbe Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08).

Razlozi za donošenje predloženog zakona o izmjeni i dopuni Zakona o ministarstvima ogledaju se u potrebi osiguranja osnove za kvalitetno upravljanje razvojem u skladu s nadležnostima Vijeća ministara Bosne i Hercegovine, a posebni razlozi se ogledaju u potrebi harmonizacije i koordinacije procesa planiranja u Vijeću ministara Bosne i Hercegovine, optimalne alokacije resursa na prioritetne zadatke i projekte, kao i unapređenja procesa praćenja programa i planova i izvještavanja o realizaciji istih.

S obzirom da je Ministarstvo finansija i trezora stvarno nadležna institucija za uspostavljanje sistema srednjoročnog i godišnjeg planiranja, da bez uspostavljenog sistema srednjoročnog i godišnjeg planiranja nije moguće na odgovarajući način definirati prioritete, usmjeriti investicije i stvoriti osnovu za raspodjelu javnih resursa, da je ovako uspostavljen sistem planiranja neophodan i za povlačenje sredstava iz fondova EU i drugih razvojnih partnera, ali i za osiguranje okvira za druge oblike međunarodne saradnje, neophodno je i zakonom precizirati nadležnosti, kako bi se na jasan i nedvosmislen način utvrdile obaveze institucija u procesu sistema srednjoročnog i godišnjeg planiranja, posebno uzimajući u obzir činjenicu da planiranje na programskoj osnovi još uvijek nije razvijeno kao praksa, koju je svakako neophodno ustanoviti.

3. PRINCIPI DONOŠENJA ZAKONA

Temeljni principi ovog zakona odnose se na kvalitetno uspostavljanje sistema srednjoročnog i godišnjeg planiranja, na koji način se definišu prioritete, usmjeravaju investicije i stvaraju osnovu za raspodjelu javnih resursa, na temelju kojih principa se utiče i na kvalitetu povlačenja sredstava iz fondova EU i drugih razvojnih projekata, ali i za osiguranje okvira za druge oblike međunarodne saradnje.

Takođe, principi ovog zakona odnose se i na zahtjeve ekonomskih prognoza na osnovu kojih se definišu srednjoročne fiskalne strategije, određuje prioritet potrošnje, što je od bitnog uticaja i na naredne poslovne godine, kao i na povećanje predvidivosti financiranja.

4. OBRAZLOŽENJE PREDLOŽENIH PRAVNIH RJEŠENJA

Članom 1. Zakona o izmjeni i dopuni Zakona o ministarstvima dopunjuje se član 11. Zakona o ministarstvima na način da se proširuju nadležnosti Ministarstva finansija i trezora dodavanjem nove alineje, kojom se utvrđuje nadležnost ove institucije u pogledu finansijskog planiranja razvoja u institucijama Bosne i Hercegovine koje obuhvata upravljanje javnim investicijama i srednjoročno planiranje, praćenje i izvještavanje.

Članom 2. Zakona o izmjeni i dopuni Zakona o ministarstvima, mijenja se član 23. Zakona o ministarstvima, na način da se stavom (1) propisuje da Vijeće ministara usvaja Srednjoročni program rada koji je osnov za pripremu Dokumenta okvirnog budžeta za trogodišnji period i srednjoročnih planova rada institucija Bosne i Hercegovine.

Stavom (2) se obavezuju ministarstva i upravne organizacije da donesu srednjoročne planove rada i godišnje programe rada koji se zasnivaju na Srednjoročnom programu rada Vijeća ministara.

Stavom (3) se utvrđuje obaveza rukovodioca institucije da donese srednjoročni plan rada, a ukoliko planovi rada sadrže finansijske obaveze ili potrebe, potrebno je priložiti i mišljenje Ministarstva finansija i trezora Bosne i Hercegovine.

Stavom (4) se propisuje da Vijeće ministara Bosne i Hercegovine, na prijedlog Ministarstva finansija i trezora, propisuje postupak srednjoročnog planiranja, praćenja i izvještavanja u institucijama Bosne i Hercegovine.

5. USKLAĐENOST ZAKONA S EVROPSKIM ZAKONODAVSTVOM

U svim zemljama EU provodi se objedinjeni postupak planiranja, praćenja i izvještavanja, koji u cijelosti slijedi i Odluku o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14), iz kog razloga je predložena izmjena i dopuna Zakona o ministarstvima, kako bi se identificirale i jasno prepoznale institucije Bosne i Hercegovine zadužene za postupak srednjoročnog planiranja, praćenja i izvještavanja u institucijama.

6. PROVEDBENI MEHANIZMI I NAČIN OSIGURANJA POŠTIVANJA ZAKONA

Provođenje ovog zakona osigurava se u okviru institucija Bosne i Hercegovine.

7. FINANSIJSKA SREDSTVA ZA PROVOĐENJE ZAKONA

Provođenje Zakona o izmjenama i dopuni Zakona o ministarstvima ne zahtijeva posebna sredstva iz budžeta institucija Bosne i Hercegovine i međunarodnih obaveza Bosne i Hercegovine.

8. OPIS KONSULTACIJA VOĐENIH U PROCESU IZRADE ZAKONA

U skladu s odredbama člana 6. Pravila za konsultacije u izradi pravnih propisa ("Službeni glasnik BiH", br. 81/06), Prednacrt zakona o o izmjenama i dopuni Zakona o ministarstvima je u smislu konsultacija, a nakon utvrđivanja teksta Prednacrta zakona, postavljen na internet stranici Ministarstva pravde BiH radi dostave komentara zainteresiranih strana u roku od 21-og dana od dana stavljanja Prednacrta zakona na internet stranicu.

Javne konsultacije u vezi s Prednacrtom zakona obavljene su u periodu od 17.9.2015. godine do 8.10.2015. godine.

9. PRIBAVLJANJE MIŠLJENJA

Prije dostavljanja Zakona o izmjenama i dopuni Zakona o ministarstvima Vijeću ministara BiH, radi utvrđivanja Prijedloga zakona, Ministarstvo pravde BiH je pribavilo i mišljenje nadležnih institucija, i to:

Ureda za zakonodavstvo, broj: 01-02-1-517 od 1.9.2015. godine,

Ministarstva finansija i trezora BiH, broj: 05-02-2-6838-2/15 od 31.8.2015. godine,

Direkcije za evropske integracije, broj: 03/B06-2-LBK-1178-2/15 od 28.8.2015. godine.

P R E G L E D

ODREDABA KOJE SE MIJENJAJU

U

ZAKONU O MINISTARSTVIMA I DRUGIM ORGANIMA UPRAVE BOSNE I HERCEGOVINE („SLUŽBENI GLASNIK BiH“, BR. 5/03, 42/03, 26/04, 42/04, 45/06, 88/07, 35/09 i 103/09)

Član 11.

Ministarstvo finansija i trezora mjerodavno je za:

- principe poreske politike, taksi i propisa;
- odnose s međunarodnim i domaćim finansijskim institucijama;
- propremanje ugovora, sporazuma i drugih akata kojim BiH preuzima zajmove i druge finansijske obaveze s drugim zemljama i međunarodnim organizacijama;
- planiranje i upravljanje dugom BiH, izvršavanje međunarodnih finansijskih obaveza;
- politiku novog zaduživanja u zemlji i inozemstvu;
- pripremu budžeta BiH i završnog računa BiH;
- koordiniranje aktivnosti za osiguranje budžetskih sredstava BiH;
- izvršavanje budžeta BiH i staranje o finansiranju institucija BiH;
- vođenje aktivnosti o sukcesiji imovine bivše SFRJ;
- bankarske propise koji se odnose na funkcioniranje Centralne banke BiH;
- upravljanje imovinom u vlasništvu institucija BiH;
- kompiliranje, distribuiranje i objavljivanje konsolidiranih općih vladinih fiskalnih podataka;
- koordiniranje međunarodne ekonomske pomoći BiH, izuzev dijela koji se odnosi na pomoć Evropske unije;
- uređenje unutrašnje kontrole budžetskih korisnika u skladu s međunarodno priznatim standardima unutrašnje kontrole, kao i za davanje smjernica za uspostavu i održavanje sistema unutrašnje kontrole;
- razvoj, rukovođenje i koordinaciju unutrašnje revizije u institucijama Bosne i Hercegovine.

U sastavu ovoga ministarstva je Centralna jedinica za usklađivanje Ministarstva finansija i trezora, sa statusom upravne organizacije.

Član 23.

Ministarstva i upravne organizacije dužne su za svaku kalendarsku godinu donijeti programe rada.

Programi rada moraju sadržavati aktivnosti prema politikama koje utvrđuje predsjedavajući i zamjenici predsjedavajućeg Vijeća ministara u skladu s članom 29. Zakona o Vijeću ministara BiH.

Programi rada, uz prethodno pribavljeno mišljenje Ministarstva finansija i trezora o finansijskom aspektu programa rada, dostavljaju se na potvrdu Vijeću ministara.

Obrazac Izjave o provedenim javnim konzultacijama

Na osnovu člana 24. Pravila za konsultacije u izradi pravnih propisa („Službeni glasnik BiH“, broj 81/06 i 80/14), Ministarstvo pravde Bosne i Hercegovine, uz prijedlog Zakona o izmjeni i dopuni Zakona o ministarstvima i drugim tijelima uprave Bosne i Hercegovine, d a j e

IZJAVU

1.	Minimalne obaveze u pogledu konsultacija	Konsultacije obavljene u periodu 17.09.2015. godine do 08.10.2015. godine, postavljanjem teksta Nacrta zakona na web. stranicu Ministarstva pravde Bosne i Hercegovine
2.	Obrazloženje zaključka da li pravni propis ima značajnog uticaja na javnost ili ne	Pravni propis nema karakter propisa iz čl. 9.-13. Pravila za konsultacije u izradi pravnih propisa
3.	Obrazloženje odluke o obliku izvršenih konsultacija	Izvršene su konsultacije sukladno članu 6. Pravila za konsultacije u izradi pravnih propisa
4.	Nevladine organizacije sa kojima su izvršene konsultacije	-
5.	Stav nevladinog sektora (podrška, prihvaćeno nakon usvajanja prijedloga i izmjene u tekstu prema zahtjevima NVO-a, bez podrške)	-
6.	Mjere informisanja javnosti i mišljenje javnosti	-
7.	Konsultacije sa domaćim i međunarodnim konsultantima	Obavljene su konsultacije sa nadležnim institucijama Bosne i Hercegovine
8.	Izjava da je institucija postupila sa primljenim komentarima u skladu s ovim postupkom i dostavila potrebni izvještaj u skladu sa članom 23. stav (3) Pravila	Ministarstvo pravde Bosne i Hercegovine je prihvatilo predložene sugestije i iste su ugrađene u tekst Prijedloga zakona
9.	Ostale informacije	-

Dijana Beribaka

From: Ivana Zeljković
Sent: 19. listopada 2015. 15:23
To: Fazila Musić
Cc: Niko Grubešić; Dijana Beribaka
Subject: Javne konzultacije
Attachments: 19102015145229.pdf

Prijedlog Zakona o izmjenama i dopunama Zakona o ministarstvima i drugim organima uprave Bosne i Hercegovine je na web stranici Ministarstva bio objavljen u periodu od 17.9.2015. do 8.10.2015. godine u procesu Javnih konzultacija.

Na mail adresu kolegice Dijane Beribake bile su preusmjereni mailovi sa mail-a konsultacije@mpr.gov.ba

S poštovanjem,
Ivana Zeljković



17.9.2015 12:00

Javne konsultacije

Ministarstvo pravde Bosne i Hercegovine je prvi državni organ u Bosni i Hercegovini koji je počeo provođenje Pravila za konsultacije u izradi pravnih propisa Vijeća ministara BiH. Svi zainteresovani građani i pravna lica imaju priliku direktno učestvovati u izradi pravnih propisa. Procesom javnih konsultacija želimo obezbijediti veći nivo učestvovanja interesnih grupa u zakonodavnim aktivnostima, bolju informisanost i veće povjerenje građana u proces izrade strateških politika.

Uz sve potrebne informacije, pravilnik za konsultacije i relevantne propise te planirane normativno-pravne poslove u 2015. godini, na ovoj stranici redovno objavljujemo sve aktuelne prijedloge nacрта zakona i podzakonskih akata. Pisane komentare ili podatke na predložene nacрте možete dostaviti direktno na e-mail konsultacije@mpr.gov.ba (<mailto:konsultacije@mpr.gov.ba>). Komentari i podaci će biti korišteni u pripremi prijedloga zakona ili podzakonskih akata koji se dostavljaju Vijeću ministara BiH.

Novo u procesu javnih konsultacija!

Prijedlog Zakona o izmjeni i dopuni Zakona o ministarstvima i drugim organima uprave Bosne i Hercegovine (/aktuelnosti/propisi/konsultacije/Izmjene i dopune zakona o ministarstvima.pdf)

U skladu sa članom 6. Pravila za konsultacije u izradi pravnih propisa ("Službeni glasnik BiH" br. 81/06), pozivamo vas da učestvujete u izradi

(<http://www.mpr.gov.ba/aktuelnosti/propisi/konsultacije/Prednacrt%20Zakona%20o%20udru%C5%BEenima%20i%20fondacijama%20BiH.pdf>)

([/aktuelnosti/propisi/konsultacije/Izmjene i dopune zakona o ministarstvima.pdf](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf))

(<http://www.mpr.gov.ba/aktuelnosti/propisi/konsultacije/Prednacrt%20Zakona%20o%20udru%C5%BEenima%20i%20fondacijama%20BiH.pdf>);

Zakona o izmjeni i dopuni Zakona o ministarstvima i drugim organima uprave Bosne i Hercegovine.

(/aktuelnosti/propisi/konsultacije/Izmjene i dopune zakona o ministarstvima.pdf)

Proces javnih konsultacija otvoren je od četvrtka 17.9.2015. do četvrtka 8.10.2015. godine.

Predloženi Prijedlog Zakona preuzmite [ovdje \(/aktuelnosti/propisi/konsultacije/Izmjene i dopune zakona o ministarstvima.pdf\)](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf).

Obrazac za dostavljanje komentara i prijedloga izmjena na prednacrt propisa (/web dokumenti/10 1 Obrazac za dostavljanje komentara na prednacrt propisa - BJ.doc)

Kontakt

Alma Gutić, koordinator za konsultacije

Adresa: Trg BiH 1, 71000 Sarajevo, Bosna i Hercegovina

Tel. : + 387 33 28 16 25

Fax: + 387 33 20 17 41

E-mail: konsultacije@mpr.gov.ba (<mailto:konsultacije@mpr.gov.ba>)



Broj: 01-02-1-517/15
Sarajevo, 01.09.2015. godine
(ZB)

SENAD 0.39.2015/15 Bernbein

03-09-2015

BOSNA I HERCEGOVINA
MINISTARSTVO PRAVDE
SARAJEVO

09-02-4-6659/15

09
2/9/15

PREDMET: Mišljenje o Nacrtu Zakona o izmjeni i dopuni Zakona o ministarstvima i drugim organima uprave Bosne i Hercegovine

Ured za zakonodavstvo Vijeća ministara Bosne i Hercegovine, razmotrio je **Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine** i na osnovu člana 25. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

M I Š L J E N J E

Ustavni osnov za donošenje predmetnog Zakona sadržan je u članu IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine.

Ministarsvo finansija i trezora Bosne i Hercegovine dostavilo je Ministarstvu pravde Bosne i Hercegovine Inicijativu za izmjenu i dopunu Zakona o ministarstvima i drugim tijelima uprave Bosne i Hercegovine. Ovome je prethodilo donošenje Odluke o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14), s obzirom da se navedenom Odlukom propisuje postupak srednjoročnog planiranja, praćenja i izvještavanja u institucijama Bosne i Hercegovine.

Razlozi za donošenje predmetnog zakona ogledaju se u potrebi osiguranja osnove za kvalitetno upravljanje razvojem u skladu sa nadležnostima Vijeća ministara Bosne i Hercegovine, a posebni razlozi odnose se na potrebu harmonizacije i koordinacije procesa planiranja u Vijeću ministara Bosne i Hercegovine

Predmetnim zakonom, Ministarstvo pravde pripremiло je izmjenu i dopunu Zakona o ministarstvima i drugim tijelima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13), na način što se proširuju nadležnosti Ministarstva finansija i trezora dodavanjem nove alineje koja se odnosi na finansijsko planiranje razvoja u institucijama Bosne i Hercegovine, te izmjena člana 23. kojim se reguliše postupak usvajanja Srednjoročnog programa rada.

Na dostavljeni tekst Nacrta Zakona o izmjeni i dopuni Zakona o ministarstvima i drugim organima uprave Bosne i Hercegovine, Ured za zakonodavstvo daje sljedeće sugestije:

- u članu 1., kod pozivanja na Zakon o ministarstvima i drugim organima uprave Bosne i Hercegovine, u zagradi su izostavljeni neki brojevi Službenog glasnika Bosne i Hercegovine, tako da bi pozivanje na brojeve trebalo da glasi „(„Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13)“;
- u članu 2., u stavu 2. i stavu 3. ujednačiti formulacije „Ministarstva i upravne organizacije“ i „organ uprave Bosne i Hercegovine“.
- takođe u članu 2., označavanje stavova unutar predloženog člana 23. ujednačiti sa označavanjem, kako je to urađeno u tekstu osnovnog zakona.

Ured za zakonodavstvo ukazuje da se o tekstu nacrta zakona pribave mišljenja Ministarstva finansija i trezora i Direkcije za evropske integracije.




DIREKTOR
Dragan Podinik



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-2-6838-2/15
Sarajevo, 31.8.2015. godine

BOSNA I HERCEGOVINA
Ministarstvo pravde



File 4.9.15/15
09
4.9.15
b

Predmet: Mišljenje na Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine.

Veza: akt broj 09-02-4-6659/15 od 13.8.2015. godine

Vezano za Vaš dopis, broj naveden u vezi, a kojim se traži Mišljenje na Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine, sukladno odredbama članka 31. pod e). Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo

MIŠLJENJE

1. Nacrtom Zakona vrši se dopuna članka 11. te izmjena 23. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09 i 103/09).
2. U Obrazloženju dostavljenom u prilogu Prijedloga Zakona pod VI- **Potrebna financijska sredstva**, navodi se **da provedba** Zakona o izmjeni i dopuni Zakona o ministarstvima i drugim organima uprave Bosne i Hercegovine **ne zahtijeva posebna sredstva iz Proračuna institucija Bosne i Hercegovine i međunarodnih obveza Bosne i Hercegovine**.
3. Na temelju navedenog u točki 2. ovog mišljenja, Ministarstvo financija i trezora Bosne i Hercegovine **daje pozitivno mišljenje na financijski aspekt nacrtu Zakona o izmjeni i dopuni Zakona o ministarstvima i drugim organima uprave Bosne i Hercegovine**.

S poštovanjem,

DOSTAVITI:

- Naslovu
- Sektor za proračun institucija Bosne i Hercegovine
- a/a





Broj: 03/B-06-2-LBK-1178-2/15

Sarajevo: 28.08.2015. godine

BOSNA I HERCEGOVINA
MINISTARSTVO PRAVDETrg BiH 1
71000 Sarajevo

01-09-2015

09-02-4-6659/15

Predmet: Mišljenje o usklađenosti Nacrta Zakona o izmjeni i dopuni Zakona o ministarstvima i drugim tijelima uprave Bosne i Hercegovine sa *acquis-em*

Veza: Vaš akt broj 09-02-4-6659/15 od 13.08.2015. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 103/09), člana 6. Odluke o Direkciji za evropske integracije („Službeni glasnik BiH“, broj 41/03) i Odluke o instrumentima za usklađivanje zakonodavstva BiH s pravnom tečevinom Evropske unije („Službeni glasnik BiH“, broj 23/11), Direkcija za evropske integracije daje sljedeće:

MIŠLJENJE

Nacrtom Zakona o izmjeni i dopuni Zakona o ministarstvima i drugim tijelima uprave Bosne i Hercegovine dopunjava se član 11. Zakona o ministarstvima i drugim upravnim tijelima („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) na način da se utvrđuje nadležnost Ministarstva finansija i trezora u pogledu finansijskog planiranja razvoja u institucijama Bosne i Hercegovine; zatim se mijenja član 23. Zakona, na način da se propisuje da Vijeće ministara usvaja Srednjoročni program rada koji je osnov za pripremu Dokumenta okvirnog budžeta za trogodišnji period i srednjoročnih planova rada institucija BiH, obavezuju se ministarstva i upravne organizacije da donesu srednjoročne planove rada i godišnje programe rada koji se zasnivaju na Srednjoročnom planu rada Vijeća ministara, te se utvrđuje obaveza rukovodioca institucije da donose srednjoročni plan rada, te obaveza Vijeća ministara da propisuje postupak srednjoročnog planiranja, praćenja i izvještavanja.

Analizom sekundarnih izvora prava Evropske unije utvrđeno je da materija koja se uređuje Nacrtom Zakona nije regulisana pravno obavezujućim aktima Evropske unije, te u konkretnom slučaju nije moguće dati ocjenu o usklađenosti Nacrta Zakona sa *acquis-em*.

U daljnjem procesu usklađivanja pravnih propisa s odredbama *acquis-a*, Direkcija za evropske integracije vam stoji na raspolaganju u obimu svojih nadležnosti.



DIREKTORICA

Nevenka Savić

Savić